

JISŌS EAR KAJERKAKPEJE LAZERŌS

Köttōpar ko an katak in:

- Kwaļok bwe Jisōs e jeļā men otemjej.
- Kwaļok bwe Jisōs ej jerbāl bwe Anij en aiboojoj.
- Kwaļok meļeļe eo bwe Jisōs ej jerkakpeje eo im mour eo.
- Kwaļok aorōken lōke Jisōs.

Meļeļe ko reļap ilo katak in:

- Jen lo bwe Jisōs ej yokwe kōj im meļeļe kōn būromōj ko ad.
- Jen lo bwe Jisōs e maroñ kajerkakpeje armej.
- Jen lo bwe jej aikuj tōmak Jisōs bwe jen mour.
- Jen lo bwe ro rej tōmak Jisōs renaaj jerkakpeje im mour indeeo.

Ewi jorrāān eo eļap im nana tata ilo laļ in? Kadek, cancer, nañinmej in AIDS, ke ta? Ewi jorrāān eo im armej re bane? Mej. Je maroñ ba bwe mej ej kūtbuuj jorrāān ko otemjej jet. Baibōļ ej jiroñ kōj bwe eņōj likūt ñan armej bwe ren mej. Ilo Rom 5:12 ej ba bwe eņōj an mej itok ioon armej otemjej. Ejjeļok armej e maroñ ko jān mej. Ejjeļok taktō enaaj lo juon wūno ñan kōmour armej jān mej. Ejjeļok kajjitōk bwe juon raan jenaaj aolep mej.

Men in en kakeememej kōj bwe kōj ri jerōwiwi. Rom 5:12 ej jiroñ kōj bwe unin an mej itok ioon armej otemjej ej kōnke er otemjej ri jerōwiwi. Mej ej waļok kōn jerōwiwi. Ej oņean jerōwiwi. Bōtab mej in me eoon in ej kōnono kake e jab mej in ānbwin wōt. Ej mej in jetōb. Mej in jetōb ej meļeļein mej indeeo.

Eļañne jenaaj aolep mej, innām jen kōmman ta? Jen reiļok ñan wōn? Eņōj ad katak kōn an Jisōs jeorļok jerōwiwi ko an juon ri nañinmej. Ilo ejja iien eo wōt Ear kōmour armej eo. Ear kōmman men in ñan kaņool bwe ewor An maroñ in jeorļok jerōwiwi. Eņōj ad katak bwe Jisōs ej kōjām ñan sip. Ej kōjām eo wōt ñan mour. Bwe en kaņool men in, Jisōs ear kōmman juon men in kabwilōñlōñ eļap ñan kwaļok bwe E wōt E maroñ lōmoņoren armej jān mej im leļok ñan er mour indeeo. Jisōs ear kajerkakpeje Lazerōs jān ro ri mej.

1. Lazerōs ear nañinmej.



Jon 11:1 Juon armej e nañinmej, etan Lazerōs, ri Betani, jikin kweilok an Meri im Marta jein.

Baamle eo an Lazerōs ear lukkuun in aorōk ippān Jisōs. Meri im Marta raar mōttan baamle in. Eļap an kar Jisōs yokwe Meri, Marta, im Lazarōs.



Jon 11:5 Im Jisōs ej yokwe Marta, im jaten kōrā, im Lazerōs.

Joñan an kar Lazerōs nañinmej mōttan jidik enaaj mej. Meri im Marta raar jilkinļok ñan Jisōs im ba bwe En itok mōkaj ñe ab Lazerōs en mej.



Jon 11:3 Innām jein im jaten kōrā rej jelōkļok ñan E im ba, “Irooj, lo, eo Kwōj yokwe e nañinmej.”

2. Jisōs ear kattar An etal ñan ippān Lazerōs.

- * **Jisōs ej Anij.**
- * **Anij yokwe.**
- * **Anij e jeļā men otemjej.**



Jon 11:6 Ke eņōj An roñ bwe e nañinmej, iien eo Ej pād wōt ruo raan ijo Ear pād ie.

Jisōs ear pād i reear in Jordan ilo iien in, im Lazerōs ear jokwe rilikin Jordan, epaake Jerusalem ilo jikin kweilok in Betani. Meñe Jisōs ear ettoļok, Ear jeļā kōn Lazerōs im ta eo enaaj waļok ñan e.

Jisōs ej Anij. Aolep kajoor Ippān. E maroñ kar kōmour Lazerōs jān ettoļok, ak E maroñ kar jibadek e ilo iien eo wōt im kōmour e.

Bōtab Jisōs ear kattar iuņwin ruo raan kōnke Ear jeļā bwe men in enaaj letok juon iien bwe En kwaļok An kajoor im juen kaiboojoj Anij.



Jon 11:4 Ke Jisōs ej roñjake, E ba, “Nañinmej in e jab bwe en mej, a kōn an Anij aiboojoj, bwe Nejin Anij en aiboojoj kake.”

Je maroñ ļōmņak bwe Jisōs ear jab yokwe Marta, Meri, im Lazerōs, bwe Ear jab etal in jipaņ er. Ak ilo mool Ear yokwe er, im ewor unin An kar jab etal ilo jinoin.

Jisōs ej yokwe aolep armej, im E kōņaan bwe jen aolep lōke E bwe En ad Ri Lōmoņor.

3. E mej Lazerōs.



Jon 11:11-16 Ej ba men kein, im tokālik Ej ba ñan er, “Jerad Lazerōs ej kiki; a Ij ilok bwe In kōruj e jān kiki.” [12] Innām rū kaļoran re ba, “Irooj, eļañņe ej kiki enaaj mour.” [13] A Jisōs ej kōnono kōn an mej, a rej ļōmņak bwe Ear kōnono kōn kakkije ilo kiki. [14] Innām Jisōs e ba ñan er alikkar, “Lazerōs e mej. [15] Im Ij mōņōņō kōn koņ bwe Iar jab pād ijo, bwe koņwin tōmak; a jen etal ñan ippān.” [16] Innām Tomas, āt eo juon Didimōs, ej ba ñan rū kaļoor ro jet, “Barāinwōt kōjeañ jen ilok, bwe jen mej Ippān.”

Ro rū kaļoran Jisōs raar jab meļeļe. Raar ļōmņak bwe Jisōs enaaj etal im mej ippān Lazerōs.

Ke Jisōs ear jibadekļok mweo imōņ Lazerōs, eņōj an mej. Eļañņe Jisōs ear maroñ in tōpar mweo imōņ mokta jān an mej bōlen Enaaj kar maroñ in kōmour e. Āindein kōj ilo raan kein, toun wōt an armej mour ewor kōjatdikdik. Ak e ļak mej, innām e kōptata... e too late. Ke Marta ear lo Jisōs, ear ba ejja men in wōt ñan Jisōs.



Jon 11:21 Innām Marta ej ba ñan Jisōs, “Irooj, eļañņe Kwaar pād ijin, jeiō im jatū maan

e jāmin kar mej.”

Jisōs ear jeļā bwe enaaj mej Lazerōs ke Ej kattar, ak ewor unin An kattar. Jej aikuj lōke Anij bwe Ej kōmman jimwe aolep iien.

4. Jisōs ej jerkakpeje eo im mour eo.



Jon 11:17-22 Ke Jisōs ej itok, E jeļā bwe eņōj an pād ilo lōb iuņwin emān raan. [18] Im Betani epaak Jerusalem, enaņin ruo maiļ jān e. [19] Im elōņ iaan ri Ju ro, re kar itok ñan ippān Marta im Meri, bwe ren kaaenōmman er kōn jeir im jatier maan. [20] Innām ke Marta ej roņ bwe Jisōs ej itok, ej ilōk im ioon E, a Meri ej jijet wōt ilowaan eņ. [21] Innām Marta ej ba ñan Jisōs, “Irooj, eļāņņe Kwaar pād ijin, jeiō im jatū maan e jāmin kar mej. [22] Im I jeļā bwe kiiō, jabdewōt men eo Kwō naaj kajjitōk ippān Anij, Enaaj lewōj ñan Eok.”

Marta ear tōmak bwe ewor an Jisōs maroņ in kōmour ļeo jaten.



Jon 11:23,24 Jisōs ej ba ñan e, “Jeom im jatūm maan enaaj bar jerkak.” Marta e ba ñan E, “I jeļā enaaj bar jerkak ilo jerkakpeje eo ilo raan āliktata.”

Jisōs ear kōnono kōn An naaj kajerkakpeje Lazerōs, ak Marta ear ļōmņak bwe Jisōs ear kōnono kōn jerkakpeje eo ilo jemļoken laļ in. Ālikin mej aolep armej renaaj jutak imaan Anij bwe En ekajet er.



Hibru 9:27 Im bwe eņōj likūt ñan armej bwe ren mej im tokālik ej itok ekajet eo.

Jet armej rej ļōmņak bwe ālikin aer mej, renaaj bar waļok āinwōt bar juon armej ak menninmour ioon laļ in. Ak e bōd men in. Ālikin mej ej ekajet eo. Jet rej ļōmņak bwe enaaj wor iien ukeļok im lōke Jisōs ālikin mej. Bible ej ba jab. Ilo mour in wōt ewor iien oktak jān nana im lōke Kraist. Wāween de in bwe jen jab mej indeeo ej bwe Jisōs en ad Ri Lomņor.

*** Armej rej aikuj tōmak bwe ren kabuņbūruon Anij im bōk lomņor.**



Jon 11:25 Jisōs e ba ñan e, “Ña jerkakpeje eo im mour eo. Eo ej lōke Eō, meņe e mej, enaaj bar mour.”

Jisōs ear kōņaan bwe Marta en meļeļe bwe E maroņ kajerkakpeje Lazerōs kiiō. Mour ej itok jān Jisōs, im kōn men in, E maroņ leļok mour ñan armej jabdewōt iien. Armej re jab maroņ leļok mour ñan ro re mej. Setan e jab maroņ kōmmane. Anij, Ri Kōmanman laņ im laļ, E wōt E maroņ leļok mour ñan armej.



Jon 11:26 “Im jabdewōt eo ej mour im lōke Eō, e jāmin mej indeeo. Kwōj tōmak men in ke?”

Ro rej lōke Jisōs bwe En aer Ri Lomņor renaaj mej ilo laļ in, ak renaaj mour indeeo. Re ban jepel jān Anij. Rej ilōk jān laļ in im etal ñan ippān Anij.




Jon 5:24 E mool, e mool, Ij ba ñan koņ, Eo ej roņjake Aō in naan, im lōke Eo ear jilkin-

tok Eō, an mour indeeo, im e jāmin itok ilo ekajet; a ear ilōk jān mej ñan lowaan mour.



Jon 11:27 Ej ba ñan E, “Aet, Irooj, iar tōmak bwe Kwe ri Kraist, Nejin Anij, Eo ej itok ñan laḷ.”

Elōñ armej raar ḷoor Jisōs bwe ren bōk jeraamman, āinwōt mōñā ak bwe ren anemkwōj jān ro ri Rom. Raar jab kōḅaan ḷomōḷ jān nana ko aer. Marta ear tōmak Jisōs bwe E Ri ḷomōḷ eo me Anij ear kallimur Enaaj itok.



5. Jisōs ear etal ñan lōb eo libōn Lazerōs.



Jon 11:28-38 Im ke eḷōj an kōnono āinwōt, ej ilōk im wūnojidikdik ñan Meri jaten kōrā im ba, “Ri Kaki ej ijin im Ej kūr eok.” [29] Ke eḷōj an roñjake, e ḷōkaj an jutak im ilōk ñan Ippān. [30] Kiiō Jisōs e jañin itok ilowaan jikin kweilōk, a Ej pād ijo Marta ear ioon E ie. [31] Innām ri Ju rej pād ippān ilowaan eḷ, im kaaenōmman e, ke rej lo Meri, bwe e ḷōkaj an jutak im ilōk, rej ḷoor e, im ḷōmḅak ej ilōk ñan lōb bwe en jañ ijo. [32] Innām ke Meri ej itok ijo Jisōs ej pād ie im lo E, ej buñ iturin neen im ba ñan E, “Irooj, eḷaññe Kwaar pād ijin, jeiō im jatū ḷmaan e jāmin kar mej.” [33] Innām ke Jisōs ej lo an jañ, im barāinwōt ri Ju rej itok ippān tok rej jañ, Ej limō ilo an im būromōj, [34] Im ba, “Ewi ijo koḷ ar likūt e?” Re ba ñan e, “Irooj, kwōn itok im loe.” [35] Jisōs e jañ. [36] Innām ri Ju rej ba, “Lo e nañin ḷap An yokwe e.” 37 Im jet iaer re ba, “Armej in Eo ear kaloḷokjeḷ eo e pilo, Ear jab maroñ in kōḷmanman bwe armej in e jāmin kar mej ke?” [38] Innām Jisōs ej bar limō ilo E im itok ñan lōb eo. E juon roñ, im juon ejḷmaan ej pād ioon.

Jisōs ear jeḷā bwe Enaaj kajerkakpeje Lazerōs, ak Ear jañ kōnke ear būromōj kōn ro iturin me raar būromōj. Anij ear kōḷmanman armej ilo wāween wōt E. Anij e jeḷā ḷōḅḷōḅ im būromōj, im armej re jeḷā ḷōḅḷōḅ im būromōj.

Kōn an wor jerōwiwi ilo laḷ in, ewor nañinmej im mej. Jerōwiwi ear itok ilo laḷ in kōnke Adam ear jab pokake Anij. Aolep armej rej itok jān Adam, im kōn men in, rej aolep ḷotak im ri jerōwiwi. Anij ej yokwe kōj, im E jab kōḅaan bwe jabdewōt armej en mej im etal ñan jikin eñtaan indeeo. Eñin unin An itok bwe En mej kōn kōj im bōk kaje eo ad, ak jej aikuj ḷōke E bwe E wōt E maroñ ḷomōḷoren kōj.

6. Jisōs ear kajerkakpeje Lazerōs.



Jon 11:39-44 Jisōs e ba, “Koḷwin joḷok ejḷmaan eo. Marta, jein im jaten eo ear mej, ej ba ñan E, “Irooj, ilo iien in e puwal, bwe emān raan ear mej.” [40] Jisōs ej ba ñan e, “Iar jab ba ñan eok ke, ‘Eḷaññe kwōj tōmak, kwō naaj lo aiboojoj an Anij?’” [41] Innām rej kamakūt ejḷmaan eo. Im Jisōs ej jar im ba, “Jema koḷḷmool bwe Kwaar eḷroñ Eō. [42] Im I jeḷā bwe Kwōj roñjake Eō iien otemjej, a kōn armej ro rej jutak ijin Iar ba, bwe ren tōmak bwe Kwaar jilkintok Eō.” [43] Im ke eḷōj An kōnono āindein, Ej laḷōj kōn ainikien eḷap, “Lazerōs, kwōn itok!” [44] Im eo ear mej ej itok, kūtimi pein im neen kōn nuknuk in mej, im turun mejān lukwōje kōn bwinin mej. Jisōs e ba ñan er, “Koḷwin kōḷḷok e bwe en ilōk.”

Jisōs ej Anij. Ilo jinoin Ear kōmanman men otemjej. Kiiō Ear jiroñ Lazerōs bwe en bar mour. E tōprak jabdewōt men me Jisōs ej ba.

7. Jet raar tōmak, im jet raar abwin tōmak.



Jon 11:45-48 Innām elōñ iaan ri Ju rej itok ñan ippān Meri, im lo men ko Jisōs ear kōmmani, rej tōmak E. [46] A jet iaer rej ilōk ñan Parisi ro, im kōnnaanōk er men ko Jisōs ear kōmmani. [47] Innām pris ro relap im Parisi ro rej kokweilōklōk ro ri pepe im ba, “Ta eo jej kōmmane? Bwe armej in Ej kōmanman elōñ kakōlle. [48] Eḷañne jej likūt E āinwōt, armej otemjej renaaj tōmak E, im ri Rom renaaj itok im kōkkure jikōd im bwi-jjed.”

Elōñ iaan ri Ju ro raar lōke Jisōs ke raar lo An kajoor ke Ear kajerkakpeje Lazerōs. Bōtab pris ro im Parisi ro raar jab tōmak. Men eo wōt e aorōk ippaer ej bwe ren utiej iḡaan armej ro im bwe armej ren tōmak im ḷoor er. Raar mijak ñe ab armej ro renaaj kōḡaan bwe Jisōs en aer Kiiñ. Innām ro ri Rom renaaj illu im ḡan er. Raar bōd kōnke Jisōs ear jab itok bwe En kōtḷōk armej jān juon aelōñ. Ear itok bwe En kōtḷōk armej jān jerōwiwi ko aer.

Jisōs ear leḷōk mour ñan Lazerōs, im Jisōs e maroñ leḷōk mour indeeo ñan ro rej lōke E.

Kajjitōk ko

1. Ewi nañinmej eo eḷap tata ioon laḷ in?
2. Ta eo ear kōmman bwe en waḷōk mej?
3. Jerōwiwi ej bōktok mej rot - mej in ānbwin ke mej in Jetōb?
4. Mej in jetōb ej meḷeḷe in ta?
5. Etan ḡōttan Jisōs me ear nañinmej?
6. Jisōs ear kemour ke Lazerōs ḡokta jān an mej?
7. Etke Jisōs ear ruḡwij e nañinmej eo an Lazerōs?
8. Etke Jisōs ear pepe bwe en ruḡwij?
9. Etke Marta ear jab tōmak bwe Jisōs ear maroñ in kajerkakpeje Lazerōs?
10. Ewi wāween an kar Jisōs kajerkakpeje Lazerōs?
11. Ta eo enaaj waḷōk ñan aolep armej ālikin aer mej?
12. Wōn e maroñ leḷōk mour ñan armej?